

Wie sich die Weiber/ für/ inn/ vnd
Erstgeburt ablöseten/ nur Figuren ge-
wesen der Danckopffer/ die die Eltern
Gott thun sollen/ wenn er inen Kinder
gibt vnd bescheret/ vnd ist derwegen das
ein feiner vnd Christlicher brauch von
der Christen Weiber/ das/ wenn sie ge-
boren/ vnd die zeit ires Kindbetts außge-
wartet/ daß sie mit ihren Newgebornen
Kindlein zu Kirchen gehen/ vnd diesel-
ben beyde/ mit dancksagung vnnnd betten
dem HERRN darstellen/ mit dancken
also/ daß sie Gott loben vñ im dancken/
daß er inen inn Kindes nöten so gnedig-
lichen geholffen/ vnnnd daß das Kind
frisch vnd gesund/ vnd one allen mangel
vnnnd fehl zur Welt ist geboren worden/
vnnnd das es auch durch das selige Bad
der Tauff dem Reich Christi ist eingelei-
bet worden. Mit betten aber sollen sie
die Kindlein dem HERRN also dar-
stellen/ daß sie dieselben durchs Gebett
im befehlen sollen/ daß er inen den segen
vnd das gedeien geben wolle/ daß sie mö-
gen